



Jadual Pembacaan Khutbah Jumaat

Siri 12/ 2023 (Disember Tahun 2023)

تاریخ	تاجوق	ب
1 Disember 2023M/ 18 Jamadil Awwal 1445H	Pembangunan Lestari, Nikmatnya Disyukuri	1.
8 Disember 2023M/ 25 Jamadil Awwal 1445H	Tunaikanlah Zakatmu	2.
15 Disember 2023M/ 2 Jamadil Akhir 1445H	Menginsafi Hikmah Musibah	3.
22 Disember 2023M/ 9 Jamadil Akhir 1445H	Siapa Lelaki Sejati	4.
29 Disember 2023M/ 16 Jamadil Akhir 1445H	Sediakan Payung Sebelum Hujan	5.
Khutbah Kedua		

دبیایای:



زكاة فولاو فينغ

دترییتکن:



جابتن حال إحوال اگام اسلام فولاو فينغ



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Menginsafi Hikmah Musibah

15 Disember 2023M/ 2 Jamadil Akhir 1445H

الْحَمْدُ لِلَّهِ الَّذِي جَعَلَ بَعْدَ الشَّدَّةِ فَرَجًا، وَبَعْدَ الضِّيقِ مَخْرَجًا.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ؛ دَائِمُ الْقَهْرِ وَالسُّلْطَانِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ صَاحِبُ الْآيَاتِ وَالْبُرْهَانِ.
اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَسَلِّمْ تَسْلِيمًا كَثِيرًا
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أَوْصِيكُمْ وَآيَايَ بِتَقْوَى اللَّهِ فَقَدْ فَازَ
الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ [سورة ال عمران آيات 102]

MUSLIMIN YANG DIRAHMATI ALLAH SEKALIAN,

Marilah kita meningkatkan keimanan dan ketakwaan kepada Allah
سُبْحَانَهُ وَتَعَالَى dengan bersungguh-sungguh melaksanakan segala perintah-
Nya dan meninggalkan segala larangan-Nya. Mudah-mudahan kita akan
digolongkan dalam kalangan hamba-hamba-Nya yang beroleh kejayaan di
dunia dan di akhirat.



Selain itu, khatib juga ingin mengingatkan sidang hadirin sekalian agar memberi fokus dan mendengar dengan bersungguh-sungguh khutbah Jumaat ini. Janganlah leka bermain gajet, tidur dengan sengaja atau berbual-bual kerana perbuatan-perbuatan tersebut bertentangan dengan adab mendengar khutbah. Marilah kita bersama-sama menghayati khutbah Jumaat yang akan membicarakan tajuk “**Menginsafi Hikmah Musibah**”

SIDANG JEMAAH YANG DIRAHMATI ALLAH,

Satu hakikat yang mesti kita terima, ujian adalah sebahagian daripada kehidupan. Kerana itulah tiada insan yang terkecuali daripada masalah dan cabaran hidup. Ada yang diuji dengan derita sakit, ada yang diuji dengan kehilangan orang disayangi, ada yang diuji dengan himpitan kewangan dan pelbagai ujian lagi.

Ujian pasti datang, dan ini ditegaskan oleh firman Allah **سُبْحَانَهُ وَتَعَالَى** ayat 155 surah al Baqarah:

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ وَبَشِيرٍ

الصَّابِرِينَ ﴿١٥٥﴾

Maksudnya: “*Dan sesungguhnya Kami pasti akan menguji kamu dengan sedikit perasaan takut dan kelaparan dan kekurangan harta benda dan jiwa dan buah-buahan kerana kami hendak melihat sama ada kamu sabar atau*

tidak atas ujian itu. Dan sampaikanlah berita gembira kepada orang-orang yang sabar.”

Selagi masih punya iman, kita akan terus diuj. Tujuannya supaya kita menikmati kemanisan iman melalui rintihan dan rayuan yang dipanjatkan ke hadirat Allah **سُبْحَانَهُ وَتَعَالَى**. Apabila diri terasa penat dengan ujian, pujuklah hati bahawa Allah tiada membebankan hamba-Nya, melainkan sesuai dengan kesanggupan-Nya.

MUSLIMIN YANG DIMULIAKAN ALLAH,

Ketika berhadapan dengan ujian dan musibah, kadangkala kita lupa diri kita adalah hamba. Lalu kita mula bertanya kewajaran diri diuji. Jiwa mula meronta dan resah. Bertalu-talu soalan bermain di benak fikiran, mencari jawapan, kenapa diriku dan bukan orang lain.

Barangkali kita lupa kita adalah hamba dan ada Tuhan tempat bergantung. Mungkin kita lupa peringatan Allah **سُبْحَانَهُ وَتَعَالَى** bahawa semua manusia, tanpa mengira pangkat dan kedudukan, pasti akan diuji. Akibat lupa siapa kita, kerisauan yang melampau meresapi dasar hati dan gelisah yang keterlaluan menguasai diri. Ada yang berputus asa dari rahmat Allah, hingga membunuh diri, *nauzubillahi min zalik* (**نَعُوذُ بِاللَّهِ مِنْ ذَلِكَ**).

Sheikh Abdul Rahman As Sa'di dalam tafsirnya menyatakan:

“Allah pasti akan menguji hambanya dengan kesukaran dan kepayahan, kerana itulah *sunnatullah* (**سُنَّةُ اللَّهِ**) yang tidak akan berubah. Tujuannya



untuk menzahirkan siapakah yang benar pengakuan imannya dengan yang berpura-pura.”

Sebagai seorang yang beriman, kita yakin bahawa setiap apa yang berlaku dalam hidup adalah ketentuan Allah **سُبْحَانَهُ وَتَعَالَى**. Setiap apa yang Allah tetapkan pasti ada hikmah dan kebaikan, walaupun tidak mampu dicapai oleh kecerdikan akal manusia. Mereka yang sabar menempuh ujian, pasti mencapai kebahagiaan dan kesenangan. Rasulullah **صَلَّى اللَّهُ عَلَيْهِ وَسَلَّمَ** bersabda:

**عَجَبًا لِأَمْرِ الْمُؤْمِنِ، إِنَّ أَمْرَهُ كُلَّهُ خَيْرٌ، وَلَيْسَ ذَاكَ لِأَحَدٍ إِلَّا لِلْمُؤْمِنِ،
إِنْ أَصَابَتْهُ سَرَاءٌ شَكَرَ فَكَانَ خَيْرًا لَهُ وَإِنْ أَصَابَتْهُ ضَرَاءٌ صَبَرَ فَكَانَ خَيْرًا لَهُ**

Maksudnya: “Sungguh menakjubkan urusan seorang mukmin, semua urusan adalah baik baginya. Hal ini tidak didapati kecuali pada diri seorang mukmin. Apabila mendapat kesenangan dia bersyukur, maka yang demikian itu kebaikan baginya. Sebaliknya apabila ditimpa kesusahan, dia pun bersabar, maka yang demikian itu merupakan kebaikan baginya.”

﴿Hadis Riwayat Muslim﴾

MUSLIMIN SIDANG HADIRIN YANG DIMULIAKAN ALLAH,

Islam mengajar kita untuk sentiasa membuka lembaran kehidupan yang lebih baik, lebih ceria dan lebih bermanfaat. Musibah dan kesulitan lampau mesti dilupai, kerana mengenangkan keburukan masa lalu dan

menangisi kecelakaan lampau, akan menimbulkan kerisauan dan kesedihan.

Imam Al Bukhari merekodkan hadis daripada Anas رَضِيَ اللَّهُ عَنْهُ bahawa Rasulullah صَلَّى اللَّهُ عَلَيْهِ وَسَلَّمَ banyak berdoa memohon perlindungan daripada Allah سُبحانه وتعالى dari diselubungi perasaan sedih dan gelisah. Lantaran itu, marilah kita belajar berlapang dada dan redha menerima segala yang terjadi. Ia adalah Langkah penting untuk menyelesaikan masalah yang kita hadapi.

Ujian adalah tanda kasih Allah kepada hamba-Nya. Dalam ujian, terselit nikmat yang tersembunyi dari pandangan mata. Kita mungkin tertanya-tanya, di mana nikmatnya bila derita sakit, hidup miskin dan dihipit pelbagai kesempitan? Gagal menghayati adanya nikmat dalam ujian kerana hati telah diselaputi sifat kebendaan. Natijahnya kita hanya menilai nikmat lahiriah dan melupai nikmat batiniah. Kita lupa ujian datang untuk memupuk nilai-nilai keimanan, keyakinan dan kesabaran. Bila diuji dengan kesusahan maka terbinalah sifat redha dan sabar.

Bukankah sabar itu sebahagian daripada iman? Ujian akan menghapuskan dosa dan meningkatkan darjat seseorang hamba di sisi Allah سُبحانه وتعالى.

Imam At-Tirmizi merekodkan hadis daripada Anas bin Malik رَضِيَ اللَّهُ عَنْهُ bahawa Rasulullah صَلَّى اللَّهُ عَلَيْهِ وَسَلَّمَ bersabda yang bermaksud:

“Sesungguhnya besar balasan pahala itu bergantung kepada berapa besarnya ujian dan apabila Allah mencintai sesuatu kaum, Dia akan menguji mereka. Barangsiapa yang redha maka baginya keredhaan Allah, namun barangsiapa yang benci (pada ketentuan Allah) maka baginya kemurkaan Allah.”

﴿ Hadis Riwayat At-Tirmizi ﴾

Bukalah lembaran baharu dalam kehidupan. Perbetulkan persepsi serta sudut pandang terhadap ujian dan musibah. Keredhaan dan berlapang dada menerima dugaan hanya akan datang apabila jiwa dan fikiran bersih dari bisikan negatif. Ia juga akan menjadikan kita orang yang paling bahagia di samping melahirkan ketenangan dan kedamaian yang kita dambakan.

MUSLIMIN SIDANG HADIRIN YANG DIMULIAKAN ALLAH,

Mengakhiri khutbah kali ini, beberapa perkara berikut boleh dijadikan pedoman:

Pertama: Ujian adalah sunnatullah dalam kehidupan. Setiap yang bergelar hamba tidak akan terlepas daripada ujian. Bezanya besar ataupun kecil, berat ataupun ringan.

Kedua: Positifkan minda dan jiwa terhadap musibah yang menimpa kerana dalamannya terselit hikmah dan kebaikan walaupun akal dan kecerdikan tidak mampu memikirkannya.

Ketiga: Jangan berputus asa apabila ditimpa musibah, kerana dugaan yang dihadapi, walaupun sesukar manapun pasti ada jalan keluar. Tidak ada yang berputus asa dari rahmat Allah kecuali orang yang kufur kepada-Nya.

Firman Allah dalam surah al-Anbia' ayat 35:

أَعُوذُ بِاللَّهِ مِنَ الشَّيْطَانِ الرَّجِيمِ

كُلُّ نَفْسٍ ذَائِقَةُ الْمَوْتِ وَنَبْلُوكُم بِالشَّرِّ وَالْخَيْرِ فِتْنَةً وَإِلَيْنَا تُرْجَعُونَ ﴿٣٥﴾

Maksudnya: “Tiap-tiap yang bernyawa akan merasakan mati, dan Kami akan menguji kamu dengan keburukan dan kebakan sebagai cubaan (yang sebenar-benarnya). Dan hanya kepada Kami, kamu dikembalikan.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ مَا
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ
هُوَ الْغَفُورُ الرَّحِيمُ.



Khutbah Kedua Bulan Disember

2023M/ 1445H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah sekalian agar terus memberikan sokongan padu tanpa berbelah-bagi kepada penduduk Palestin yang sedang dizalimi oleh Regim Zionis melalui serangan tanpa henti di Gaza dan Tebing Barat.



Kita mungkin tidak mampu mengangkat senjata, tetapi kita masih mempunyai kekuatan daripada aspek kewangan. Infakkanlah sebahagian rezeki untuk membantu mereka yang ketika ini berada dalam keadaan yang amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah **سُبْحَانَهُ وَتَعَالَى** menganugerahkan kejayaan, keselamatan dan kesejahteraan buat seluruh umat Islam serta rakyat Palestin khususnya. Semoga bumi Palestin kembali aman dan makmur di bawah rahmat Allah **سُبْحَانَهُ وَتَعَالَى**.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً
يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾